

太

函

集

太函集卷之百十六

新都汪道昆伯玉著

七言律詩一百二十二首

九日任山甫高齋有懷諸弟

孤城九日漸江東風雨空山只老翁  
黃菊祇應催細雨白綸原不住高風  
翻憐花萼遙相命遍插茱萸竟未同  
病後直愁村徑滑歸來肯放酒杯空

市中過汪惟一

負笈遨遊五子間迴舟遙自楚江關  
秋來司馬仍耽病老去王喬獨駐顏  
牛斗龍光銷五夜滄溟鵬翼去

三山祗應隱几懷今古一任衡門斷往還

宿竹里館

郊扉正及竹涼深野服偏乘澗道陰  
病客三秋雙白鬢貧家十畝萬黃金  
城頭月出枝仍礙屋角風來葉自吟  
不是清醑供卜夜誰從終古覓知音

宿白岳文昌閣會明府遣訊

地主傳呼五老俱天門簇擁萬靈趨  
掉頭珠樹招黃鶴揮手瓊樓摘白榆  
橫海由來疑結蜃朝天何處望乘鳧  
三山好在玄都外百里憑將赤日扶  
近體一章爲黃生壽母母吾宗也

人間方朔下蓬壺池上蟠桃熟有無南極一星高婺  
女中山千日醉麻姑斑衣冉冉顏初展青鳥翩翩手  
可呼報道飛瓊來獻曲天風低度鳳將雛

送方超宗之荆

江干我獨繫扁舟有客翩翩問舊游遙望五雲開郢  
里直將萬戶博荊州卞和老去誰青眼山簡歸來已  
白頭千古游魂招未得憑君投賦託湘流

其二

梅華兩岸雪皚皚萬里長風片席開路接流淅三峽  
盡天銜落日九江迴觀頭倚柱枯春酒樓上揮毫壓

楚材宋玉蕭條正無賴行雲莫謾下陽臺

龍司理君御過余樓居題名柱笏坐上得松字  
蘭臺蚤歲擅雕龍草閣餘春到暮鍾興在看山遙柱  
笏地分負郭近提封彩毫雲霧富樓滿紫氣關門入  
夜重莫問天鷄今咫尺漏聲隱隱遞疎松

兼得疏字

何緣窮巷命巾車不盡春陰在綺疏上客肯嫌如斗  
大中年長自好樓居青燈風雨畱深酌白壁雲烟見  
特書翻笑淮陽勞臥治當年郡閣勝何如

兼得雲字

堂背層樓待夕曛樓頭片雨暝難分忽看宿鳥千章  
樹半入從龍五色雲酒送城春援北斗襟披閣夜引  
南薰休疑安石東山臥十載銀魚手自焚

送書生許去疾出塞

爾向清流罷釣竿肯容赤帝溺儒冠酒徒原自高陽  
裔國士終須大將壇不借姓名通狗監懸知勲業在  
樓蘭書生白面如君幾忍使封侯印易刊

送余無且從司諫兄赴南垣

詔起仙郎舊直廬相携愛弟共脂車尋花更賦臨春  
曲焚草須畱諫獵書去日薰風移谷鳥到時暑雨羨

江魚斑衣容易驚秋入白日毋勞竝倚閭

四月七日郭次甫余宗漢任山甫余無且潘景升同舍弟仲淹集少樓分韻坐炎字

結廬人境似陶潛阿閣三重厰步欄坐入滄浪天欲墮杯行河朔日初炎一時賓客東南盡四望山河表裏兼明日清齋那取醉青精飯共水精鹽

司理公過余太冲館訪余宗漢時郭次甫潘景升在焉分賦得南字

朝來散髮不勝簪委巷何緣一駐驂爲報安期來海上正逢庾信在江南披襟共快迎風坐傾蓋還淹竟

日談笑指偏提渾未盡底須茗椀漱餘酣

酌斗亭同司理公賦

返照平分紫氣饒孤亭宛在赤城標尊移北斗星初  
聚坐引南風暑未驕倒卓明河當睥睨憑陵炎海起  
扶搖也知卜夜非公事回首中天月可邀

奉枉龍相君偕諸君子宿竹魚莊

相過近屬即吾廬更集良朋奉路車坐上薰風陰洞  
滿牀頭涼月夜牕虛題詩竝占淇園竹舉網深求丙  
穴魚醉客中宵呼酒急獨醒那怕惱三閭

宗之之喪至自楚適余館其故里則力疾臨其



喪而輓之

故里親逢廣柳車行厨曾共武昌魚樓頭黃雀歸華  
表谷口青山鎖舊居炯炯精靈應不瞑筑筑孤寡竟  
何如楚天誰擬招魂賦宋玉多愁病未蘇

送江明府之鄴

十年射策困公車轅下驍騰氣自如獨向衡陽棲五  
兩相過澤畔問三閭綺琴半入鈞天樂綵筆重摹夏  
后書爲報部中諸父老青門咫尺故侯居

其二

六月扶搖起拍浮中洲蘭芷足夷猶虛疑炎海通南

紀蚤覺清風起上遊三楚先聲新令尹重華南狩古  
諸侯謾憐同學今黃閣正喜分符尚黑頭

送黃文學之成均

橫經分授魯遺編應召還須洛少年千頃陂深雙綠  
鬢九重天近一青氍毹戎士類園橋盛前後君恩  
振鐸偏自是后夔工典樂南風遙送入虞玄

喜君昭歸自金陵

金陵生事託韓康旅食經春倒藥囊垂橐半肩經故  
郡入門一咲據匡牀壺天久玩人間世石髓新添客  
裏裝君昭得奇石歸無長物也握手相看驚老瘦烏皮几上鬢如

霜

何長卿古篆印章

混沌誰開天子鄣爾簪刀筆侍羲皇臨池科斗青雲  
氣裂石龍蛇赤電光刻畫直須摹九鼎飛揚早已逼  
三倉而今一擲金如斗徑寸纍纍肘後藏

送宣城詹明府應詔入朝二首

水田漠漠足黃梅官道陰陰夾綠槐絕筆龍門循吏  
傳徵車鹿蹄出羣才敬亭雲擁雙鳬去宣室泥銜五  
鳳來汗血只今求宛馬看君驥首入燕臺

其二

絃歌百里動宣城轍下依依魯西生  
賈誼升堂慙薦達澹臺入室荷聲名  
行邊江色兼天淨到處棠陰布地榮  
望望浮槎河漢上懸知五夜泰階平

望雲門

赤日膏騰鳥道昏丹梯縹緲帝居尊  
正逢積翠開雙闕好附飛黃謁九閭  
天遣巨靈從此擘地留真氣至今存  
銅龍有意求仙訣金馬無能答主恩

望天都

一峰卓地插中天獨立亭亭出岳蓮  
老鶴青冥迴戍削孤雲翠壁費寅緣  
高標牛斗懸河鼓俯視兒孫捧

御筵瞥見王喬披綠髮相邀帝所聽朱絃

湯池

初服飄飄脫芰荷玄都湯沐接天河靈源細引丹砂  
液神漢潛通赤水波玉女洗裝扶曉日羣仙晞髮逼  
陽阿上池池上清如許一濯塵纓鬢已皤

白龍潭

懸厓曲磴釣磯懸下見滄浪倒接天潭底龍宮三十  
仞雲中帝駕五千年連山燕石乘風去徹夜驪珠抱  
月眠泓下孤吟如有意曾從魚服識重淵

九龍潭

摩天積石遍靈湫客子尋源到上頭吳楚江分雙擺  
髮軒轅宮近九垂旒昆侖西北星連海瀑布高低漢  
倒流忽漫盤空雲氣合羣龍應奉帝車游

自黃山歸白社奉懷司理公

帝揭神臯自古今君紆使節一登臨揚眉已著烟霞  
色回首猶聞鸞鳳音六郡壯游炎海近孤城高臥夏  
雲深滄洲處處人間世白社應知吏隱心

送曾明府應 詔入朝近體二首

連城聲價尚方珍淮北淮南報主身萬石承家名自  
舊單車赴闕氣逾新升中白嶽神仙吏舉首丹書獻

納臣赤日可能霜道暘青門猶臥種瓜人

其二

祝融日落晚涼生閭闔風來薄海清里俗旋應移勝  
母家聲端不愧難兄孤城夜月分雙照三殿朝陽待  
一鳴禁掖只今天咫尺石麟那得避徐卿

陳母大耄之年夏之日其初度也諸子承母命  
謝客秋八月始舉觴伯子習形家言雅與余善  
余不遑爲母壽則賦近體一律屬其諸孫應熊  
氏歌以侑觴云

懸悅薰風繡戶扃汗衣赤日綺筵停金莖恰喜供僊

露寶婺俄看次壽星陶侃牛眠元有母陳完鳳卜詎  
無靈漫誇八十生人少池上蟠桃葉正青

中秋之夕戚少保胡總戎載酒西湖余叨爲客  
羣賢畢集各操一艇鼓行周游尋分韻賦詩余

拈文字

漢將昆明競策勲馬卿衰疾詎能文東南冠蓋三秋  
合表裏湖山五夜分驚鵲陣連青雀舫蟾蜍光借白  
鷗羣當杯絕勝江樓月極目全銷夢澤雲

十六夜喻相君宴集孤山俞園得東字

老去鴟夷興不窮何來地主大江東山浮銀漢重湖



斷月滿金尊。隔夜同傾。蓋青雲。依古木。當筵白苧。度秋風。南州無限清商。出下里。多慚白髮翁。

舟中贈胡元瑞時從余過弇園

聖老惟應狎白鷗。乘秋一問木蘭舟。西池王母留方朔。南國佳人到莫愁。絕代紅顏江月墮。當關紫氣海天浮。即令緱嶺耽鸞鶴。殊色還傾十二樓。

其二

吳詠千秋度越吟。居然白雪操南音。尚方總愧同時賦。大雅長懸異代心。謾向人羣輕聚散。細推吾道幾升沉。天孫賸有明河錦。婺女清池夜不禁。

其三

一代琅邪兩使君  
爾從綠髻抗青雲  
延州舊擅東南美  
夾谷新分左右軍  
大澤芙蓉迴爽氣  
小山叢桂散清芬  
明朝更合靈龍劍  
開匣蒼茫北斗文

其四

六轡王良避國工  
雙弧李廣獨稱雄  
蓬心風偃紛相下  
里耳雷同轉自蒙  
瞥見雕戈移濟上  
旋看赤幟樹江東  
須臾殺氣騰高壘  
策士何人課首功

贈沈純父

動地千官頌老成  
回天一疏入承明  
祗從鷄舌披肝

膽寧向龍鱗卜死生尚壘主恩雙鳳闕枕戈客夢  
五羊城迴看西掖桐陰待莫戀南州桂樹榮

期集烟雨樓再贈純父

一棹相將到十洲千家烟雨淨三秋何來野老堪青  
眼垂死孤臣尚黑頭秋水正逢鴻鴈候朝陽爭覩鳳  
凰遊那知飄泊扁舟客更許憑陵百尺樓

東游贈吳肇成

何事因人作遠游少年爲客及清秋驚濤八月放生  
賦落木三江范蠡舟足練親曾讐白馬崇關更許邱  
青牛歸來好趁刀頭月莫負深閨獨倚樓

輓玄圃吳少仙

翛然玄圃獨求仙，浪跡人間四十年。  
未就刀圭還日月，早從笙鶴入雲烟。  
逍遙自信游方外，象罔誰堪得帝先。  
翻咲素車何氏子，生芻猶作世情憐。

秋日同殷尚書程侍中方中丞方京兆程觀察  
二程太守壽潘太公

巖下谿光逼濁醪，相過杖屨總吾曹。  
籬開陶令新移菊，柱挂王祥舊佩刀。  
蕭瑟偏宜吟灌木，跳梁猶自竊蟠桃。  
黑頭已駐人間世，笑殺河陽蚤二毛。

其二

遙憶青衿領泮宮  
潘郎載筆氣如虹  
文章伊昔雄江左  
里社于今盛洛中  
渭水鷹揚原自負  
緱山鶴馭更誰同  
諸孫甲第連雲起  
肯許移家就葛洪

曉行河西道中赴汀州公席至贈景升

凌旦巾車不厭勤  
朗陵孫子雅能文  
相邀比屋千秋里  
爲壽重開萬石君  
海市樓臺人面起  
霜鐘木葉馬頭分  
比來賦客新聲滿  
散帙高齋判夕曛

歸千秋里作

老去湖風掠鬢絲  
歸來猶及菊花時  
林開赤縣沈中聖  
樹簇紅裝倚少兒  
宋玉銷愁耽舊國  
陶潛取醉耐

新詩最憐三逕今無恙肯向荒臺繫夢思

谿南秋望

秋色兼葭入望賒隔谿紅樹圍青華江村落日留三  
舍砧杵迴風急萬家野外平分銀漢水林端忽起赤  
城霞美人咫尺瀟湘遠目斷長天到暮鴉

題許叔孺閨湯堂

城頭別業百尋開杯底陽春十月迴斗揭枝撐斜日  
墮河當睥睨劈天來共拚卜夜青藜閣聊復談空白  
石臺莫向關門占紫氣巾車猶在少城隈

重集許光祿園即事

墻東小阮竹林居  
招客重教草徑鋤  
隔日布衣光祿  
酒滿牀  
貝葉道林書  
庭中樹色催浮白  
風外歌聲落  
步虛更借一瓢  
拚盡醉不妨倒載望吾廬

送黃郎侍直指公還 朝從許相公受室

王程攬轡入三朝  
子舍持綏上九霄  
池鳳下時雲似  
繡臺烏棲處  
漢爲橋  
畫眉近擬宮妝勝  
坦腹遙知客禮  
驕見說后夔  
工典樂風從南國度  
蕭韶

其二

農軒二姓迭相承  
帝里三星迥自升  
子壻快於金  
市馬丈人清  
比玉壺冰臺前翠栢成  
連理閣上青藜

代興明到廣寒天尺五當蟠仙侶正憑陵

鄭子榮宴集鳳山臺余從程司徒爲客

甕頭浮蟻小春迴谷口鳴騶上客來傾蓋一時俱  
路披襟四坐盡蘭臺長筵已任投車轄短景何妨急  
酒杯搖落正逢關樹暝憑陵莫作楚歌哀

時客有作歌者

歲壬午余登三天子都蓋從不其而知吾廬先  
生老矣明年則詹孺人偕老二子始得請稱觴  
余既次酌者之辭兼賦七言近體

百里曾春越宿糧千盤直上振衣岡鹿門下見棲中  
谷鳳穴遙看擢大鄣垂老對持青玉案隔年雙進紫



六四集 卷之百一  
霞觴五噫一唱疇能和盈耳填篋正未央

小至

江上扁舟病欲蘇斗邊高枕歲云徂  
閑門早閉行人少山郭新晴樂事無  
耐可梅花催白鬢祇應栢葉問清酤  
郊居入夜成齋宿匡坐呼兒傍擁爐

陳進士立甫過千秋里同集嘯園得書字

朗陵年少奉除書忽謾衝泥問倚廬  
詠雪千秋成客里通家三世擅公車  
籬邊一繫飛黃馬野外爭看織翠裾  
東望燭龍堪照夜無勞賓御促驪駒

速陳使君邀宰公赴曲水園之約

客散仍留白雪聲朝來羣牖亂飛瓊探竒好在山陰  
道乘興還尋曲水盟明日一尊開八蜡何時並轡出  
孤城剡谿咫尺豐干上未許扁舟避物情

首春招丁明府入社

白榆開社擬蘭臺赤幟登壇並楚材正喜虎谿元亮  
入况逢遼海令威來田家向夕村村鼓山郭行春樹  
樹梅歇馬不嫌中散地聽鶯好在少城隈

同郭次甫潘景升舍弟仲淹仲嘉過海陽客丁  
明府

南國羣材擁戶庭中宵列宿破沉冥何來黃鶴神仙

令未著青牛道德經虛左無端煩地主升中有意待  
山靈明朝嶽頂捫蘿去爲掃懸厓代勒銘

閱無量壽宮成賦

西方白帝引真源北極玄君啓法門大地平分淨樂  
國精廬宛在給孤園峰開蓮社吾堪老雲擁金城佛  
自尊已見化身離色界底須對面問軒轅

嶽夜觀燈

逶迤卿月隔年廻縹緲神樓向夕開星鳥先春栖火  
樹燭龍不夜照蓬萊雙珠直擢雲中掌萬壑爭傳杖  
底雷即使醞酬堪取醉憑陵結綺且停杯

人日壽官壽郭次甫

淨域冥開七葉春  
空林衣振六銖塵  
客星江上來真氣  
人日山中證法身  
囊解虎頭金粟影  
簪留鶴髮白綸巾  
不須面壁求初地  
坐對浮丘是故人

元夕舟同社觀燈宰公爲客

白榆歷歷少城懸  
紅樹熒熒近市連  
月更重輪忘隔歲  
賓仍四坐擁初筵  
行春照乘驪珠出  
卜夜張燈燭火然  
聞道漢宮祠太乙  
歲星猶在斗牛邊

元夕雨席上呈宰公

東皇初擁萬靈廻  
春社還乘五夜開  
誰向人間邀月

去却從天上散花來樓騫結蜃珠千斛劍倚飛龍酒  
百杯任是仙郎工作賦那堪神女故徘徊

梅花閣觀梅

南枝當牖納陽春特地踰垣過近隣姑射游仙應待  
月東家處子故窺人孤寒采鳳垂天翼半落驪珠拂  
檻鱗最是今朝風日好肯教水部闕花神

三從弟子可仕客死漁陽爲賦招魂以逆歸櫬  
扁舟纔發漸江涯哀挽俄迴廣柳車豈爲壯心輕馬  
革謾將俠骨委龍沙魂隨客夢千秋里腸斷邊聲五  
夜笳莫向他鄉愁杜宇春風依舊故園花

文昌閣

虛閣憑陵盡帝鄉  
晴窓徙倚倒天章  
三孤席奉魁三  
象乙夜燈傳太乙光  
廬嶽自西朝  
五老雲門直北觀  
軒皇何緣奎壁千秋聚  
爲報吾曹落大鄣

送吳鴻臚叔成使趙還朝

皇華忽漫及瓜期  
立馬銜杯曲水湄  
授簡一傾梁客  
坐還朝重典漢官儀  
陌頭楊柳供吟望  
潭上桃花耐  
別離未是金門沈  
吏隱故園魚鳥莫相疑

白榆社成宰公移置巖谿之上  
下令君帳具落  
之屬余祭酒得容字

油襪孤亭瞰斷壩澄潭十里落長松携來尊酒陶元  
亮到處園林那曼容春社豈應辭泛蟻衰年寧復關  
雕龍時聞耳畔啼黃鳥坐嘯江天日下春

婚氏鮑叔子簿瑞安年及艾夫子壻翁胙趨庭  
爲壽賦詩一章

名家公子大農風佐邑東甌歲屢豐司隸向聞皇澤  
馬叅軍今近紫髯翁三危壽酒金莖露千里斑衣桂  
樹叢我長十年俄自老林泉岼憤鬢飛蓬

問子虛疾

尔從都市入鷄山傳道風塵損客顏碧草漸深楊子

宅烏衣遙度秣陵關  
懸知避俗辭中聖  
何處求仙問大還  
試向眉間占起色  
春潮直上漸江灣

甲申春三月乙未宰公將以考績行  
孫秘書丁明府郭次父潘景升及不佞  
二三兄弟餞之  
扈行營去白榆社  
差近是日五星聚于奎壁  
適宰公攬揆之辰  
問其年春秋二十有五  
相與登歌爲壽  
屬余先鳴

當筵歌鳥到黃鸝  
有客膏車過習池  
共指岡陵稱壽日  
正逢奎壁聚星期  
潘安未許生華髮  
山簡何妨倒接羅  
見說金門堪吏隱  
明朝分手重淒其



孫監西游白岳春盡還越州

玄都絕勝上林花仙客何來鬢未華  
狗監十年輕去國龍門累世重通家  
城頭帆影連飛布剡浦口溪流似浣紗  
謾道山陰乘夜度桐廬高士待浮槎

蘇季聚星樓

畫麟猶自說當年觚爵新樓小有天  
最喜松蘿千嶂合恰逢奎壁五星聯  
門迴陳孺車中客坐列蘇耽鶴上僊  
清簟疎簾應計日我來一就北窓眠

送龍司理課績天官

楊柳相將著地垂河梁去住使人悲  
承家三尺神姦

避校策千門 聖主知一醉寧辭將進酒重來未信  
遠如期懷中明月應須惜莫謾投人夜陸離

其二

橐鞬隔歲入中原膏秣經春更北轅國馬定傾燕駿  
骨朝車猶及衛魚軒南星逼近魁三象前席敷陳累  
萬言見說漢家方尚少仙郎系出武陵源

其三

少年勲業在甘棠三輔聲名動大鄣峴首可容磨積  
翠刀頭還許問乘黃千門世世稱無害周道年年覲  
未央即使五陵多俠客山公猶自憶高陽

其四

公府全輪竟日閑  
檐花寂寂鳥關關  
衙楊對簿頭俱  
搶衡石程書手自刪  
客至一尊空白社  
春來雙屐遍  
青山上林羽獵  
君王事簪筆應留  
扈從斑

夏之日集獄宮分得家字

相逢何處是天涯  
五兩南風到客槎  
飛蓋不驚珠樹  
鶴披襟好在赤松家  
關門隔世元無暑  
洞府留春賸  
有花試向三都占  
氣象先從七澤起  
雲霞

錢龍司理驛聞部例寢無行即席志喜

離亭無奈急驪駒  
驚坐何緣到驛書  
棠蔭正憐春色

去瓜期偏荷 聖恩餘人從白社還盟王天爲蒼生  
借路車別恨不禁翻送喜當杯入手意何如

何仁仲自楚陟匡廬登白岳遇余獄官時將還  
鄖關投贈二首

杖底匡廬連白岳驅來五老集玄都筆傳南國佳公  
子猶問高陽舊酒徒行部幾廻經夢澤披襟相對坐  
蓬壺耳邊鷓鴣休回首坐上陽春調不孤

其二

興在烟霞恣壯遊春來杖屨歷丹丘書藏石室三千  
卷目極層城十二樓風雅承家今水部斗牛分國古

揚州莫嫌姻嫁羈人在握手看君正黑頭

直指顧使君謁墓文有贈

海門飛席入江鄉雪涕霑襟叩草堂讀禮由來周柱  
史題銘誰是蔡中郎一杯正耐青山老九地那留白  
日光回首狐丘新樹檟傷心鷄骨舊支牀

贈姜子幹

縞帶凌風七尺身那堪磬折向時人謾傳鸚鵡題江  
夏未許熊羆卜渭濱結客五陵矜意氣論交萬里託  
比隣青門自分青雲隔白眼相看白首新

方元素治其師黎秘書喪歸自南海秋風至尋

## 入金陵

招魂湘水若爲情，澤畔誰堪起屈平。  
睨關心雙鳳闕，扶搖奮翼五羊城。  
四愁更擬南都賦，獨往還尋北郭生。  
時范原易在南省笛裏秦淮秋月好，武陵谿曲轉分明。

程康侯之任鄱陽奉檄歸而逆婦贈言二章

新除偏爾協秋期，近縣携家荷聖慈。  
汗馬不妨流火候，牽牛正及渡河時。  
仙郎烏帶朝雲入，帝女簫隨夜月吹。  
屈指隔年知上計，君王或恐問蛾眉。

## 其二

萬里湖風彭蠡傍，孤城宛在水中央。  
乘來矯矯驂龍

友莫後翩翩造鴈王叢桂即看金作粟鳴琴半入鳳  
求凰裁雲不盡天孫巧製錦無勞學尚方

今年春舊令尹鄭太公始老太夫人暨如太夫  
人並以齒肩隨有差令子由南省出守夔州取  
道爲三壽壽宛陵後山人日隆偕其甥顏孝廉  
文選抵余賦詩以命酌者余故籍太公字下得  
七言近體二章

甘棠自昔蔭行春剡曲于今老季真子舍不禁稽彩  
服主程還許借朱輪庭闌進酒披襟爽岳牧承家奉  
檄新雙引會稽青玉案五噫不數倦游人

其二

停車谷口五驂騶  
解佩江臯並白頭  
叢桂淮南招客賦  
蟠桃池上許兒偷  
西流大火穿三峽  
東瞰扶桑盡十洲  
秦望雲飛夔子國  
朝暉喜見鳳凰遊

寄周直指

臺郎一著惠文冠  
白簡稜稜晝日寒  
身退自甘愚谷隱  
名高人作法星看  
埋輪莫惜逢時晚  
攬轡曾諳行路難  
見說陌頭爭勸駕  
肯容川上老持竿

贈周公子元豐

當年立仗五花驄  
一斥猶傳國步工  
忽漫從西來汗



血相將直北動重瞳安危須託真龍種禍福休論失  
馬翁燕市千金寧問價胡沙萬里待成功

送郭次甫還焦山二首

底事天涯憶釣磯誰從江介授荷衣五星瞥見連城  
聚三詔遙看鼓棹歸綠樹陰深鶯更切黃梅暑淺雨  
初肥廣陵八月秋濤壯有客乘槎問少微

其二

昂昂獨立丈人行冉冉重登天子鄣挂席好携千乳  
石拂衣肯顧百金裝誰堪江上同仙舫共擬山陰到  
客航白帝只今開法界可能無意向西方

贈李太史本寧五首

綠鬢當年典石渠青門何意到巾車拂衣金馬浮沉  
後留篋銀魚涕淚餘東望吳閭分白練南遊禹穴出  
丹書一從雲夢沿瀛海賦客還應薄子虛

其二

獨擅陽春楚調工重開宣室賈生同虛傳駁骨收燕  
市轉見蛾眉出漢宮弱水迴車函谷下雄風飲馬大  
江東紅顏莫怪非疇昔華髮俄成老禿翁

其三

檣烏習習漢江流谷鳥嚶嚶夏木稠石室藏書曾白

岳江村挾柁更滄洲莊生鵬海憑高翼太史龍門恣  
壯遊莫爲初衣懷澤國芰荷風引木蘭舟

其四

舊識雙龍起渥洼今從東海問琅瑯弇山紫氣真人  
里澹圃清風處士家肯信玄亭拋萬卷懸知綵筆闔  
三花親隨八駿瑤池上咲殺吳宮說館娃

其五

三山近接石頭城九鼎先營漢上京詩伯向來歸李  
白詞臣況復到張衡園陵王氣埋金椀宮闕鄉雲擁  
露莖遙夜客星南極見迴瞻北斗泰階平

朱少僊李太史枉過東郭留宿扈蹕行營

高帝旌旗擁玉屏何來杖屨傍金城  
函嶠氣色青牛駕豐沛風塵白馬盟  
雲鳥陣連秦閣道石鯨甲動漢  
昆明布衣十日拚沉飲敢向期門避姓名

端午陪朱少僊李太史集主將軍園

櫪馬猶堪令節留宮衣偏憶  
主恩優累臣魚腹三  
湘夜老將菟裘五月秋臺上披襟風入坐林中開徑  
竹繁流從教河朔誇豪飲自惜隋侯肯暗投

暑日餞李太史來少仙喜李孝廉李宣至

論交何幸得吾曹惜別那堪汗馬勞  
暑雨漲留河朔

客炎天雪起廣陵濤行藏莫謾憐芳草去住唯應盡  
濁膠江上重逢瓜埠月清商一曲向誰高

吳國子貲授藩司理刑有贈

橋門衮衮似君稀閭闔翩翩奉檄歸總爲藩垣矜曲  
直肯從方岳閫輕肥故園暫許親黃菊率省俄看對  
紫薇江左家聲端不負樓頭花萼正相輝

喜方翁恬至肇林時作佛事

有客維舟漸水潯恰逢玄度住東林蟠桃計日經三  
熟祇樹彌天近百尋奉足特叅無量壽觀身那得未  
來心也知初地空塵剎莫向流沙問陸沉

葉鄭朗從沈丈見客贈詩一章

海內風流尔得師，從遊千里到茅茨。  
斗邊雄劍神俱合，篋裏玄經手自私。  
客路五噫開暝色，公車三策赴明時。  
歌如白雪人如玉，把臂燈前照鬢絲。

喜句吳郭次父句章沈嘉則偕至

眼中交態白頭新，歲杪江天到故人。  
綵筆千秋誰健在，布衣十日自情親。  
乍驚羽翼來韓衆，肯信顛毛老季真。  
美盡東南還我輩，孤城五夜動星辰。

其二

紛紛珠履競康莊，寂寂蓬門避陸梁。  
趙璧一雙爭得

致秦城什五未堪償酒傳椒栢陽春里社入枌榆俠  
少塲對面深談天又雪山陰何用棹相將

立春前一日從郭次父沈嘉則方翁恬赴梅花  
閣之報遲二仲不至分得開字

今朝太史傳春令故里行歌盡楚材客飲已申十日  
約官梅又見一年開樓頭耐可憑闌望谷口還應結  
袂來何事監輿遲不發流雲遮莫到陽臺

九之日集庚堂分得塲字

把酒相看鬢有霜僧堪結客少年塲椒花荏苒時俱  
過棣萼留連夜未央望裡物華新火樹吟邊草舊

池塘莫辭細雨懽懽飲歸有雙珠照乘光

除夕載酒過斗下居郭仙翁出盤飧守歲懷宰  
公分得河字

亭臨斗柄酒尊過盤出仙家石髓多何處陽春留郢  
曲吾曹子夜競吳歌天連睥睨廻秋浦雲擁招搖沒  
絳河耐可風塵禁俠少祗應里社任婆娑

孫秘書作畫賦詩爲不佞壽不佞益與秘書並  
齒荅謝一章

君仍綠髮我華顛莫向靑弧並計年獨嘯蘇門遺響  
在同歸陶社大名傳雙躡祗樹依初地一寄官梅到



遠天赤日石林春色早滄洲五柳未應先

寄贈海山陳使君

海南何事老菟裘塞上歸來尚黑頭五夜寒光還合浦十年清夢落羅浮折枝馬首堪遙寄按劍羊腸肯暗投笑殺薊門勞物色從知箕穎屬巢由

再別陳使君兼柬臧少保

盧龍持節控三韓掉臂滄洲一釣竿大將晚移神武仗故人早挂惠文冠海門放鶴青天迥幕府棲烏白日寒莫作燕歌悲遠別扶桑枝外是長安

太函集卷之百十六終

太函集卷之一百十七

新都汪道昆伯玉著

七言律詩

寄戚少保元敬

三朝宿將萬夫雄更出樓船百粵東  
豈謂飛霜移白簡翻從橫海挂彤弓  
玉關一入寬相憶銅柱孤懸迥自蒙  
此去望諸經食邑不知冀北幾羣空

其二

閩南薊北幾專征百戰軍聲萬里城  
炎海還須開瘴癘清朝庶以荅昇平  
旄頭夜墮滄溟靜篋底春迴日

月明歸到蓬萊天路近漢家未許赤松迎

送歐虞部還南海

年來漢署幾沉浮老去文園故倦游好在陽阿晞短髮恰從京口問扁舟兩都一擲金聲賦五月雙披雪色裘歐冶雌雄神自合莫教風雨到林頭

寄歐虞部

中朝屈指到詞場南海由來富夜光竝向十洲探赤水一從九地握明珠雲連甲第蠶千層霞起層城護五羊但得觀濤枚叟在底須鄴下問存亡

二粵使先後至從先者得景武書請後者言景

武病矣余憂之甚情見乎辭

傳來尺素得前魚歸去乘黃望後車高卧無端驕二  
豎流言何意急三閭書遲轉自疑消息室遠憑誰問  
起居五嶺梅花千里月懷人忽到夜窓虛

送寶堂首座還鷲峰

爾從十地來初地還自青門向白門法界祇緣方外  
入道場爭識衆中尊天垂遠岫雲無碍路出寒潭月  
有痕見說岫嶠三卓錫不知何處是祇園

二之日送鄭朗還四明時應督學使者之辟

山郭春風到客裘關河千里一歸舟  
辟書計日收東

序飛席兼程出上游好去倚裝臨水鏡遙應回首上  
江樓枚生雅有觀濤興握手相期桂樹秋

宰公以使事出境適太公自衛郡以子舍舉子  
聞比其還不佞帥同社各賦二章爲賀

武陵春色仿王程背郭依依遲使旌淇澳爭傳龍啟  
蟄荆山重見辟連城于公解網占高戶韋氏傳經擅  
大名一路鵲聲頻送喜無勞竹馬競郊迎

其二

綵服其如惜別難魚軒暫駐奉親驪雙吹鳳管樓中  
起一握驪珠掌上看日蔭大椿開奕葉風從故國汎

崇蘭占祥莫問能熊夢太史龍門自世官

杪春日暮城北遇莫廷韓時從白岳見客

春盡仍留落日春鶯啼更喜故人逢  
畫師不數荆司馬賦客無如陸士龍  
石磴穿雲通小閣山城過雨到疎鐘  
遙知白岳藏書處好在瓊臺第一峯

招章元禮入白榆社

江關夏木合啼鶯百丈東來帶杜蘅  
碧浪湖空風挂席白榆社僻雨連城  
千年鮫室傷心淚一代牛刀執耳盟  
久客不妨旬日飲相逢總是布衣情

送章元禮歸吳興

鴟夷遺恨未曾銷，雞骨餘生不自聊。  
杯蟻暫分河朔席，檣烏飛度浙江潮。  
一杯黃土重回首，時元禮有事封樹三  
尺青萍各在腰。把臂期君邀海月，淮南桂樹正相招。

喜周文至

東吳千古有周郎，才力于今七十強。  
桂櫂一移青雀舫，草堂重問碧雞坊。  
交情君自輕炎海，生事吾應老醉鄉。  
興在山陰殊未盡，扁舟好繫五溪傍。

招周公瑕入白榆社

千里關河五兩風，輕舠來自大江東。  
故人已共青山老，客無如白雪工鳳覽。  
直須從此下鷹揚，更復向

誰雄客星遙度桐廬上好在天都太乙宮

送周文還吳

吾黨窮交老更真不妨千里結比鄰飛黃早已辭方  
駕垂白誰堪擅斷輪一任時名爭自起翻從晚節倍  
相親由來江左風流地屈指如君更幾人

劉元承自楚入新都謁予志太夫人墓

虞卿偃蹇傍江干楚客崔嵬到素冠自是高堂沉寶  
婺誰堪幼婦比邯鄲鳳毛千仞丹山老馬鬣層陰白  
日寒淚灑瀟湘饒美箭東南何處拾琅玕

送元承還楚



江上黃梅著雨深歸來綠綺未成音悲風堂背三年  
淚明月刀頭萬里心荆石向誰重授簡蘭臺遲爾一  
披襟兒童倘問山公在白髮青尊半不禁

寄監司周使君時駐秋浦

秋浦盈盈水鏡開九華半落少城隈上游已扼三江  
險分部仍收六郡材刁斗不鳴無伏莽橐鞬久卧自  
生苔吳關漫道東風捷漢祚何須左袒迴

再寄周使君時行部京邑

處處江梅著雨黃樓船乘漲下江鄉帆前畏日開鷺  
鶴臺上雄風引鳳凰繫纜有時依細柳褰帷隨地即

甘棠青門報道瓜堪摘  
好代壺漿餽鴈行

余携家弟館四望樓  
邀李本建坐雨觀漲

南游太史別經年  
上客于今到惠連  
長枕那禁寒入夜  
高樓正耐雨連天  
漲迴未許吞雲夢  
地勝還疑借輞川  
莫問石城江作壑  
乘風五兩直如弦

時本建將入南離

四望樓坐雨有懷宰公

江樓獨坐暑仍寒  
積雨那禁行路難  
幽逕不妨人跡少  
長途或恐客衣單  
風生囊口鳴琴歇  
月滿刀頭倚杖看  
任道廣陵濤似雪  
何如觀漲一憑闌

寄題孝廉龍長君栖雲菴

江雲半入武陵谿，片石纔堪抱膝栖。  
忽破朝曦分鹿豕，平臨秋水散鳬鷺。  
瀟湘一髮當窓盡，日月雙丸拂席低。  
不爲釣璜來渭曲，何妨有馬到朱蹄。

送張山人還楚

已任冥搜歷大鄣，何緣真訣祕青囊。  
撼龍自昔窮滇勝，歌鳳于今效楚狂。  
塞路火雲催暑雨，排空雪浪入江鄉。  
重來莫負清秋興，把贈還須大國香。

借居潭西四望樓送黃彥脩應辟

四望樓居託卧游，百花潭水接瀛洲。  
海門正赫扶桑日，淮甸先招桂樹秋。  
肯信玄珠涸象罔，不辭朱汗秣

驊騮只今獻納開東觀文似相如尚黑頭

寄衛司理龍使君

親逢詞賦起蘭臺瞥見箕裘盛楚材御座法星懸列  
郡公車薦剡動三台商歌清夜遙相憶郢曲陽春好  
自裁駑馬謬啗筋力異龍驂原出渥洼來

聞戚少保歸次武林志喜

憶昔孤軍出武林分携雙劍遞相尋膏車且駐湖山  
勝汗馬都忘歲月深千里襟期三挂席百年心事一  
抽簪秋濤莫作鴟夷恨詔許生還鬢未侵

黃丈七十壽詩

垂白歸來未倦游初從負郭得菟裘  
龍孫抱送黃金界犬子提封黑壤侯  
六水沙頭迴匹練百花潭上狎群鷗  
齊眉况有戾戾婦五穀何妨老飯牛

八月二日喜少保入郊關

蓬門不署翟公書荷蓋何來負郭居  
漢節生還班定遠吳關飛度李輕車  
刀頭破鏡青天外谷口初衣白髮餘  
夢羅浮諸客路相逢執手轉躊躇

道中遇少保卽事

虛疑漢將老幽燕江上相逢勝壯年  
自是赤心輸社稷肯容斑鬢避樓船  
牙璋深荷三朝命銅柱重標

望天但得挂弓歸絕海無勞開閣擬凌煙

同少保宿肇林

長者當年倡布金森森祇樹漸成陰青山布襪還家  
計白社籃輿出世心五嶺南頭曾問法雙林東畔對  
披襟任教野外無香積莫問人間有陸沉

閏月望陪宰公集遂園卽事

幽期不負菊花杯薄暮俄傳社鼓催河沒蟾蜍輪更  
駕枝驚鳥鵲客重來庾公五夜登樓興謝氏三秋作  
賦才賓主忘形迷去住嫦娥隨步共徘徊

其二

名園咫尺築牆東  
佐郡風流宴賞同  
投轄祇應留桂樹  
行杯次第數花叢  
高譚坐上濤聲壯  
橫吹樓頭水調工  
客散後車仍並載  
習池翻笑醉山公

秋吟八首

執戟當年扈冕旒  
兩朝聖壽介清秋  
萬方玉帛輸春省  
五夜衣冠侍曉籌  
初日扶桑殊自失  
小山叢桂故相留  
祇應拂枕耽高臥  
未許塵纓到白頭

其二

一自單于款聖朝  
不煩諸將問天驕  
尚方號令扶黃鉞  
使者恩私珥黑貂  
衛霍軍聲輕戰伐  
巢由生計

逐漁樵至今瀚海無傳箭敢向陰山更射鵰

其三

問寢銅龍孝理新承恩金馬許寧親  
蒸葭迎棹三秋下橘柚當筵九月陳  
宰樹只今霑白露女蘿何以荅蒼旻  
十年轉憶當時事七尺空存報主身

其四

北斗城東處士家坐看睥睨入烟霞  
故侯郭外瓜仍蔓仙令籬邊菊未花  
正對雲門窺上界却從秋水誦南華  
卽今邂逅尋源使肯向天河泛客槎

其五



南極枝撐天子都中分襟帶控江湖五城帝座蹲雙  
闕 九鼎神州定六符瀛海蓬萊應咫尺匡廬蘭若  
未荒蕪憑陵秋色歸來後誰復登高賦大夫

其六

五畝聊供寢廟嘗百年僅見倍登場雞豚旭日肥禾  
黍鳬鴈秋原足稻梁鼓翼忽來青鳥使持螯同醉白  
雲鄉瓦盆自是田家樂報道西風臥夕陽

其七

石瀨濺濺水漸消扁舟一泛浙江潮才非枚乘那能  
賦客有王喬早見招水國尊羹秋正好滄洲草閣路

非遙平分倘許緜山月坐聽仙人弄玉簫

其八

露下河傾處處砧天孫夜織錦千林歷看長薄虧仍  
蔽初度微霜淺復深且喜蕭疎供縱目無勞搖落作  
悲吟白頭祇對黃花老千古陶潛識此心

九日邀龍相君佖明府登南山絕頂歸而遇雨  
上客相將出郭西南山聊得競攀躋秋風鴻鴈低群  
峭夜水魚龍落五谿隱見斜陽迴薄暑陰晴衆壑亂  
雌霓任教早帽衝雷雨好借雙鳬返舊樓

和宰公悼亡四章

扶桑初日挂彫弧駟牡乘秋赴上都正喜東來駒汗  
血俄傳西去鳳留雛招魂澤畔容光杳吊影天涯涕  
淚孤即使潘郎工作賦那禁搖落隔江湖

其二

有美仙姝出漢濱蹇脩誰氏結朱陳三湘奕葉龍門  
舊八世昌期鳳卜新結臂不辭車下輓畫眉旋失案  
頭春片雲咫尺歸巫峽愁殺高堂客裡身

其三

天書尺一拜黃豚推枕鷄鳴歷歲華司馬鳴琴猶作  
客湘靈鼓瑟竟辭家三秋一別重泉路萬里孤魂廣

柳車悵望清秋河漢女問津何處覓浮槎

其四

回首庭幃衛水深淚痕猶自賸霑襟那知遠別爲長  
別翻憶留心是去心竟日眉顰青玉案終天腸斷白  
頭吟窓前忽到梧桐雨孤燭熒熒夜不禁

後山人爲孫太學壽母屬余賦七言近體一章  
寡鵠終天誓未亡雙鳬有客獨登堂梧捲正耐黃花  
老機杼偏承白日長屋後江魚迴夜水懷中盧橘帶  
秋霜割雞任是肥新黍未許初筵及客嘗

讀回生傳

號咷何處叩天關  
肉骨猶堪奉至尊  
霜下荆花成隔世  
春迴棣萼到招魂  
叢祠恍惚群靈護  
九地須臾萬劫存  
家世由來承博望  
河源早已探昆侖

贈潘景升北游

天末蕭蕭易水風  
肯容犢鼻市塵蒙  
琴心五夜辭黃鵠  
七首三秋貫白虹  
絕塞驂騑傾入市  
園橋鶴鷺造臨雍  
比來漢主開東觀  
莫問當年碣石宮

閏九日得仲氏詩知其小愈趣歸里中視之

清秋正喜月重輪  
餘閏那禁兩浹旬  
賦就廣陵迴氣色  
書來彭蠡愜心神  
任教叢菊荒三徑  
肯放茱萸少

一人莫向醫王求大藥眼前無着與天親

秋閨招徐茂吳入社同宰公賦

白榆秋杪日蕭蕭有客維舟破寂寥三徑重開彭澤  
里孤帆半落浙江潮恰憐殘菊猶堪把謾道冥鴻未  
可招晞髮咸池聊一息南溟不礙起扶搖

賦得餅中菊花

籬邊昨夜度微霜枝上經旬駐晚芳仙掌露晞留淺  
抹軍持水定耐深藏休餐爲惜繁英落徒倚寧拋積  
雨荒生意未須論信宿官梅早已報相將

范原易出守南昌期就涉園言別

公車上載尚書郎五馬翩翩歷故鄉  
畫省久淹頭未白綈袍垂敝綬  
初黃劒函秋水干牛斗臺瞰春城下  
鳳皇爲報南州徐孺子曾從雞黍過柴桑

其二

褰帷猶記驛程同製錦從誇國手工  
六傳先驅彭澤雁雙旌遙引豫章風  
江湖襟帶專城迴吳楚咽喉裂地雄  
謾道淮陽饒治理肯容汲黯臥齋中

慰宰公喪子

楚妃獨下鬱金堂合浦雙沉照乘光  
共說龍門傳太史誰從鮫室問巫陽  
徐卿自昔虛呈瑞潘令于今正

悼亡聞道游仙弃妻子天都準擬侍軒皇

自涉園歸太函道中秋色

望入秋原賦莫哀行依宿莽首重回黃花縈徑村村  
合紅葉迎人樹樹來源泝武陵春色住路經錦里夕  
陽開繁華最是江南勝蕭瑟無煩楚客才

冬朔日吳叔嘉席送郡司法武闡校士得風字  
同宗漢茂吳肇邵仲淹賦

柳市南頭動朔風茅堂東上遲山公相看殘菊稽棲  
鳥獨向長楊校射熊清夜一尊供興盡良家六郡判  
群空只今太白騎鯨下誰是汾陽入彀中



送吳用賓計偕 闕下賦七言近體二章用賓  
於余再世通家其父中書君得兆吉蓋其應也  
因憶仲氏居士德藏蕪寄伯氏鴻臚叔承

狐首丘中白日光鳳毛池上彩雲長家聲自昔三通  
籍經術于今獨擅場佳氣彌天紫宰樹雄文特地薦  
長楊嚴程任是饒冰雪遺篋還堪試鵬鵬

其二

九苞雙翼起中天正是公車射策年怡喜鴈行當奉  
引即看虎拜應臚傳河東不數名家盛江左誰如季  
子賢方外但容居士在好從無著事金仙

送吳公鼎上春官

結髮親曾事漢皇  
棄繻歛復得終郎  
鷄鳴尚憶曾姑氏  
豹變俄傾大父行  
臺上神駒來汗血  
筓中雄劒出含光  
尚方準擬開宣室  
前席還應召洛陽

其二

少年文史足三冬  
一日聲名動九重  
秋月拓弓穿石虎  
春朝挾策入銅龍  
佇看甲第雲中起  
未及庭闈日下春  
聞道詞臣多獻納  
謾從簪筆勸東封

送丁明府上計七言近體四章

陸海桑麻八蜡通  
春朝玉帛萬方同  
老夫擊壤歌餘

澤茂宰脂車課首功長揖一辭陶令里雄風宛在楚  
王宮賢聲此去勞親問帝里年來荷屢豐

其二

提封百里傍蓬萊十丈蛟鮪手自裁宓子鳴琴無吏  
隱王郎飛舄擅仙才層冰羸馬黃河合雙闕寒鴉赤  
日迴聞道朝元新獻曲懸知賜燕栢梁臺

其三

衡石寧論歲月深綈袍正耐雪霜侵臨軒籍籍推彊  
項垂橐蕭蕭見苦心高第相將傾赤縣尚方準擬賜  
黃金如聞天語求巖穴爲道桃源未可尋

其四

年來結社盛鴻儒，斗下開林聚白榆。  
一自陽春傳郢曲，翻令子夜失吳趨。  
北門宿將經秋老，南國佳人絕代殊。  
屈指山家春酒熟，刀頭明月望東隅。

送徐茂吳東還七言近體四首

久客風塵拂鷓鴣，照人冰雪媚川梁。  
羈栖下里依元亮，公讌西園得偉長。  
征舸漸看江樹隱，離亭暗送野梅香。  
勿云興盡山陰道，儻有披裘釣水旁。

其二

汗漫竒遊任采真，江湖天意縱波臣。  
斗邊雷煥雙龍

劍海上詹何歎繭綸絕唱和人俱辟易倦游歸客且  
逡巡掉頭忽謾乘桴去下榻誰堪把臂親

其三

謾道朱絃作客非到來白社似君稀搜窮巖谷捫蘿  
入携得烟霞滿袖歸画鷁風輕無長物水蠶霧細有  
初衣千秋禹穴堪湯沐莫惜江天隱少微

其四

吳越名山古會稽鷁鷁未定一枝棲出關梁孟歌行  
路入徑求羊到杖藜天盡扶桑撐海外日銜靈鷲簇  
湖西春來準擬扁舟去五柳新陰聽鳥啼

喜屠長卿至

垂天鵬翼起南溟  
北斗城頭集草亭  
望望五丁開絕嶂  
行行萬象擁文星  
軒皇遙識玄珠入  
關尹俄驚紫氣停  
千古同時今得見  
向來白眼對君青

招長卿入社

賦客誰能詘子虛  
文園未許臥相如  
鏡湖近食天王邑  
滄水遙傳地主書  
截海虹霓縈縞帶  
駢雲鸞鶴代籃輿  
知君不是攢眉客  
結社何妨負郭居

宰公集同社許氏園分得城字

天涯深結歲寒盟  
地主饒兼吏隱名  
興在高陽晴騁

望何來細雨夜連城開軒旋失青山色按節爭傳白  
雪聲昏黑莫愁歸路滑驪龍正及吐珠明

懷梅禹金

授簡聲名起少年挂冠家世挾飛仙漢廷未獻誇胡  
賦吳苑先投贈婦篇宛水春流繁草閣敬亭秋色攬  
江天黃山咫尺丹梯在青鳥何時到帝前

太學孫伯貞氏春秋始彊館甥程康功徵余詩  
爲初度祝程爲余外弟之子又余門人而草市  
諸孫擅素封其先出金吾大將軍後故句中及  
之

雷谿自昔沂江東金穴于今擅洛中臘味正浮新綠  
醕朝光早挂舊彤弓振衣半落蘇門嘯把釣平分渭  
水雄聞道仙郎工獻曲武陵遺調引梅風

宰公從同社諸君子集遂園分得星字

城連北斗夜冥冥天盡南州幾客星池上風流驕綠  
鬢尊前意氣對青萍歌從倡和俱同調身任浮沉肯  
獨醒自是墻東歸路近不妨多露叩深扃

白榆社送余宗漢還閩末章即事

荒祠一炬報咸陽烽火孤城失故鄉燕市千人迴叱  
咤齊州五岳恣徜徉滄江高卧歸何晚赤水冥搜老



更狂開篋莫教矜物色  
驪龍或恐妬珠光

其二

杖底烟霞幾歲華  
樓頭花萼折天涯  
空山一脫延陵劍  
長路初迴廣柳車  
原上鵲鴝辭客里  
雲中鷄犬問仙家  
安期倘寄長生藥  
春水還來博望槎

送許伯上上京

都亭執手不勝情  
惜別那堪歲杪行  
好在名家原太史  
貪趨相府自玄成  
盤花何處當筵頌  
賦艸仍聞擲地聲  
羸馬底須防物色  
新鶯處處有逢迎

其二

日下高堂愛正深  
翻從故里折歸心  
官梅莫設留東閣  
禁柳還應到上林  
繡虎高風傾八斗  
黑貂長路敝千金  
過庭倘問諸耆舊  
爲道高陽醉不禁

寄題金陵王太學日涉園

帝里山河似洛京  
名園花木接春明  
祗緣野趣耽元亮  
况復家聲似茂弘  
舊壘還來新社燕  
短牆忽度上林鶯  
五陵多少求羊侶  
三徑誰當杖屨行

寄題王用亨磨田別墅

馬鬣新開縣上田  
菟裘宛在郭西阡  
思親自昔霑衣地  
好客而今授簡筵  
雙闕雲天垂杜曲  
千章雨露護

祁連無勞更問家人產百祀丞嘗大有年

從弟斯昭昔從燕市今年及艾移家金陵

慷慨相從結客場歸來高卧祝鷄鄉吾家泛駕稱驃  
騎帝里懸壺傍鳳凰起死只須迴造化知非何用  
問行藏移家好在烏衣巷春燕雙栖舊艸堂

白榆社送宰公席設於桃源別業

孤城宛在漏天東狼籍桃花宿雨中莫以仙源招舊  
隱且從客里醉新豐避秦祇合青門老入郢逾看白  
雪工共把初衣論去住百年生別莫匆匆

其二

中谷依然黃鳥新南箕妬殺白榆春憑陵澤畔千秋  
事飄泊尊前四海人不是掉頭成獨往轉於執手倍  
相親陶家五柳那堪折風雨經旬綠未勻

石嶼出漸江中流上有古松亭亭如蓋宰公帥  
諸生據石行觴喜而有賦

漸江孤嶼石磷磷松作虬龍屈復伸弟子相從猶在  
魯大夫獨立豈逃秦直撐砥柱窺員嶠好借浮樅問  
析津見說留侯從此去那堪五兩逐波臣

嚴先生祠

汝拚生事老滄浪忽謾徵車出建章橫足那知天子

貴掉頭不改故人狂九霄星象留懸石千載風聲薄  
釣璜歸客祗應懷獨繭披裘好在漸江傍

釣臺

雲臺儘可翊中興嚴瀨何妨隱客星急峽七盤江漠  
漠漁磯雙出樹青青肯甘呶沫歸東漢瞥見扶搖起  
北溟聞道銅駝春草沒爭如天畔有孤亭

李含之徐茂吳集龍君御鄔汝翼父子及余兄  
弟汎湖得春字

千里東行及暮春扁舟還落倦游人園林雨後俱陳  
迹賓主天涯半逐臣六鷁乘風甘自退羣鷗迎棹故

相親剡川一曲 君恩在歸去猶堪老季真

題卓漱甫大空樓

層樓面面十洲通堤柳汀花出閭風宛在水心開淨  
界居然天眼入真空珠光排闥千江滿海色浮杯一  
望窮尚憶舊游彈指處不須更問主人翁

金山四首

空江孤嶼捍中流半渡褰衣到上頭石斷海門開佛  
土江迴天塹輦神州僧疑卓錫虛空住客似浮槎汗  
漫游不用燭龍來絕嶠牟尼親把夜光投

其二

羣山萬壑盡朝宗坐扼江關百二重碣石高撐重閣  
起尾閭近借一丸封斗牛夾岨連迸鼓龍象乘潮  
雪峯下榻祗應成夜宿白雲深處落疎鐘

其三

精藍幾度涉輕舸衰白重來躋巨鼇合掌晚歸彭澤  
社抽毫雄壓廣陵濤月臨孟夏浮三楚地圻中冷避  
九臯一軟旋應蠲肺病金莖不羨漢官曹

其四

瞥見須彌置一杯縣知阿耨自西迴明河曲抱支機  
石急峽長驅漚瀕堆界入冰壺寬日月雲開天鏡倒

樓臺踟躕四顧東南盡江海誰當作賦才

吳門遇丁南羽西歸壽母五月則其七十悅辰  
南羽近始學禪故有末句

遼陽孤鶴掠行舟華表風迴五月秋供客清醑懷引  
髮娛親彩袖罷披裘樹依堂背歸三徑桃竊池頭抹  
十洲莫笑畫師空故橐曾邀鶯子結西游

焦山午日偕二仲同賦

海若東來接淼茫石尤無賴截舟航社依雙樹疑空  
界坐對三荆即故鄉竟日清齋蒲入供宜人雜佩艾  
生香獨醒好在江魚腹同病猶堪作酒狂



金陵迎公道門徒玄暢乞瓦官寺碑因得華嚴  
經古本却寄一首兼訂秋期

貝葉翩翩手自持何緣杯渡破江蘼  
檢從兜率三車載乞得頭陀七尺碑  
淨土豈應縣彩筆迷津殊自仗  
金篦廣陵八月秋風起挂席乘潮問藥師

寄贈晉江林徵君時春秋六十

憑軾當年問七閩安期何處混風塵  
筵中瓜棗新懷核檻外蓬萊近作隣  
樹拂釣竿收獨繭草侵碁局坐  
重茵謾言瞬息枯炎海已覺春秋駐大椿

暑雨霽節公栢公自攝山過焦山喜而有作

江天漠漠鬱難開，鶯樹雙縣佛日來。  
怖鶴枝頭窺倚杖，馴龍水面護浮杯。  
清齋不厭逃禪客，白社何當出世材。  
千里潮平孤嶼小，遙知法雨到黃梅。

其二

霞上招提六代餘，月前安置五陵居。  
石尤忽漫迴孤棹，室利仍勞寄尺書。  
自是望中精舍近，肯教方外故人疎。  
到來盡入清涼界，片片青蓮切太虛。

京口得督府司馬相如書，聞未舉子，卻寄短篇。  
黃金臺畔簇雲霞，龍種何緣滯渥洼。  
漢柱孤臣甘許國，齊盟累世待通家。  
滄江蓬鬢行邊短，渤海珠胎望

裡賒司馬相如。正湯炎風好寄邵平瓜。

諸將後五首

笥中時憶賜衣存。閩外猶傳漢使尊。諸將九邊承  
廟畧。單于三世拜朝恩。清宵劒氣迴南斗。明月笳  
聲靜北門。任道蹄林千帳在。請看禁禦五雲屯。

其二

降王歲歲市連巢。列戍何須壘四郊。宛馬嘶風思仰  
秣。胡雛計日望分茅。沙場宿艸三秋牧。刁斗新霜五  
夜拋。謾說穹廬俱赤子。只今比屋正嗷嗷。

其三

東胡猶挾射鵰弧上將頻勞佩虎符瞥見輕車較飽  
馬俄聞空幕起飢烏九重課績彤弓旅四國流言  
赤鳥孤側目未應衿帶礪當場誰復博梟盧

其四

山河百二擁宸居亭障三千儼直廬幕士莫教輕組  
練營田好在理耰鋤從東遙控玄菟塞直北稀傳白  
羽書羣議盈庭天咫尺行間魚鳥轉踟蹰

其五

薊門千古拓堯封樽俎誰堪任折衝申命專征勞  
帝簡親持三節振軍容肯從左次遲朝食已報先聲

斷夕烽倘許燕然直勒石班生殊自未龍鍾

奉贈開府蹇公七言近體二首

承家早自賦長揚 賜履還應陟尚方  
三輔雲山迎節鉞五陵天府列金湯  
鏡歌次第傳中禁彤管相將紀太常  
肯信夔龍專揖讓試看干羽佐陶唐

其二

同舍曾分雞舌香通家又見鳳毛翔  
玄成相種新推轂叔夜人羣舊擅場  
西第抽毫承奕葉東郊樹羽拂扶桑  
縣知幕下多詞客緩帶相招過射堂

送張水部畢使還朝便道觀省爲封君八十壽

皇華何處省庭闕白髮滄江老釣磯驛路秋風迎絳  
節里門晝日照班衣安期大棗從東獻博望星槎直  
北飛酒賦祇應三畝在水衡那得一錢歸

京口送何主臣還海陽爲母陳孺人七十壽

揚州東閣下何郎片席西歸薦壽觴白髮向來門獨  
倚斑衣此去袖俱長憑將玉笈三山記好獻瑤池七  
寶牀洞口蟠桃君莫摘有人指點白雲鄉

六月望日飛卿至夜集水晶菴

謝家詩興落三山明月刀頭且未還真氣虛勞占桂  
下飛瓊瞥見到人間涼生姑射冰壺貯光放牟尼水

府環客散中庭香霧入嫋嫋微步拭雲鬟

江叟故以豪舉聞金陵今且耆矣索詩爲贈因

賦短章

扁舟興在莫愁湖肯向高陽混酒徒樓上三千供索  
笑場中百萬辟呼盧徐娘已舉齊眉案向子猶懷五  
嶽圖倘遇麻姑留客處莫教錯認酒家胡

程子虛傳成贈其弟玄碩時將北行

流水何緣罷伯牙子雲無復問侯芭淮南暑雨辭叢  
桂原上秋風到棣華敢向儒林增列傳不妨人代播  
名家江關直北應回首萬里長天塞鴈斜

秋日楊世叔過訪焦山有贈

秋風昨夜起青蘋江上扁舟客問津  
國典兩朝承燕翼家聲千載批龍鱗  
小山桂樹懷人近故里尊羹發興新  
見說草玄仍未畢滄洲好在結比隣

王次公由閩藩入賀中道拜南太常余兄弟父子齋居浮玉山公挾二郎君移舟過訪

江天流火急征軺十載馳驅再入朝  
方岳舊臣仍鞅掌奉常新命肯逍遙  
星臨南極垂天象路入中原望斗杓  
準擬鳬鷺霑既醉曾從尚壘事神堯

其二



羈人徙倚大河流使者招尋古渡頭  
滄海客星占五夜關河卿月入三秋  
清齋小坐通家在初地高譚竟日留  
箕頽儘堪當岳牧夔龍不必問巢由

秋日子山叔携朱長卿過訪焦山言別

秋風蕭瑟動江關有客羈樓且未還  
阮氏竹林過北里謝家明月落東山  
尊前白苧迴中曲檻外青絲闌小蠻  
自是虹橋通絕島却教仙子到人間

李季常歸自京師爲母氏七十壽

燕市歸來倚蒨絨中宵寶瑟照機頭  
官緣尺檄留雙闕一拂斑衣謝五侯  
風物邗江來赤鯉家聲函谷駐

青牛只今堂背舒慈日相對宜男百不憂

京口錢直卿屏博士業業醫遂以醫傾江左是  
夏余携弱弟棲浮玉山則直卿見客先後凡四  
浹旬八月西歸贈言爲別

儒冠宵逐少年遊相印寧甘肉食謀國手只今傾薄  
海家聲自昔動宸旒三山京口濤初壯千樹淮南橘  
已秋頗怪老彭能久視應知奕世有箕裘

賦得七言近體拈來字

湖海羈人遂却回東南况復美羣才名姬四座清商  
切重閣千山爽氣來風物正宜光祿酒聲歌不碍妙

高臺經行處處天花落錯認淮南叢桂開

奉壽鄭太夫人八袞予雅習長君光祿次君直指茲逢次君于嚴陵

謾道蟠桃未可餐瑤池近接使君灘六珈象服增垂白九鼎鸞刀注渥丹哺母臺烏來睥睨將雛巢鳳就琅玕壽杯但引新安水彩袖依依舞七盤

其二

雲門東望日高春窓出凌陽第幾峰堂背一枝凌薜荔峰頭雙掌擘芙蓉星精吏隱天應借婺女隣光地可封任道飛瓊工獻曲爭如嚴瀨石淙淙

太山集卷一百一十七